

► Tatabahasa

Lengkapkan petikan di bawah ini dengan menggariskan kata ganti nama yang betul. **SP 5.1.1**



“Tarikh pertandingan bola sepak sudah semakin hampir. Apakah strategi

(1) _____ (kalian/kami) untuk memenangi pertandingan ini?” tanya Aiman kepada rakan-rakannya.

“Pada pendapat (2) _____ (anda/saya), kita perlu semakin giat berlatih. Hanya dengan latihan yang konsisten, (3) _____ (kami/kita) akan dapat bermain dengan baiknya,” jawab Ramesh.

“Saya bersetuju dengan pendapat (4) _____ (dia/kamu) itu. Cikgu Damian telah berpesan supaya (5) _____ (kita/awak) kerap berlatih untuk mempertajam teknik permainan kita. (6) _____ (Beliau/Mereka) telah melatih kita dengan gigihnya selama ini,” tambah Alvin pula.

“Namun, (7) _____ (patik/saya) berasa kurang yakin untuk melawan pasukan dari sekolah-sekolah lain yang sudah biasa menyertai pertandingan. Tentu permainan (8) _____ (mereka/beliau) hebat belaka,” sambung Aiman lagi.

“Usahlah (9) _____ (anda/awak) mengaku kalah dahulu sebelum bertanding, Aiman. (10) _____ (Kita/Mereka) hanya perlu fokus semasa berlatih dan bermain dengan baiknya semasa pertandingan nanti. Menang atau kalah sudah menjadi adat dalam pertandingan,” ucap Ramesh untuk memberikan semangat kepada pasukannya.

Nota Tatabahasa

Kata Ganti Nama Diri

- Kata ganti nama diri 'bellau' digunakan khusus untuk orang yang dihormati seperti guru, ibu bapa, menteri, dan sebagainya.
- Contoh:
 - ✗ Murid itu dipuji oleh gurunya kerana *bellau* sangat rajin.
 - ✓ Murid itu dipuji oleh gurunya kerana *dia* sangat rajin.
- Kata ganti nama diri 'saya' digunakan ketika bercakap dengan orang yang lebih tua, guru, dan orang yang baru dikenali.
- Contoh:
 - ✗ “Ayah, *aku* hendak ke sekolah pada petang ini,” kata Umar kepada ayahnya.
 - ✓ “Ayah, *saya* hendak ke sekolah pada petang ini,” kata Umar kepada ayahnya.